



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

Dub. I. An dona omnia & bona supernaturalia Prædestinati sint effectus
Prædestinationis.

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

non scribantur, vel non sint scripti, vt pluribus Vasquez cit. quest. 24. art. 3.

Illud vero Moysis Exod. 32. v. 32. *Aut dimittis hanc noxiam, aut si non facis, dele me de libro tuo, quem scripsisti*, inter alias explicationes, quas habet Vasquez loc. cit. meo iudicio optimè intelligitur per hyperbolem seu exaggerationem, vt indicat etiam Augustinus in Exod. quest. 147. ad declarandam vim amoris erga populum; quo modo amantes, cum enixissimè rogare volunt, dicunt, Aut fac hoc, aut occide me, quia sine eo vivere non possum; probè gnari, id quod petitur, nuncquam futurum. In quem sensum etiam locuta est

Rachel Genes. 30. v. 1. *Da mihi liberos, alioqui moriar.*

Ad eundem modum accipi potest illud Apostoli Rom. 9. v. 3. *Opebam ego ipse Anathema esse à Christo, pro fratribus meis*: quanquam hoc cum S. Anselmo, Caietano, in eundem locum, & Bartholomæo Camerario in dial. cap. 6. rectius ita explicet Vasquez, vt Paulus loquatur de tempore, quo adhuc erat in Iudaismo; quo serio plane ipse zelo Iudaicæ legis, & amore fratrum, à Christo perpetuo separatus esse cupiebat; ratus, Christi doctrinam legi diuinæ contraria esse.

Q V A E S T I O III.

Determino seu obiecto Quod, & Effectibus Prædestinationis in specie.

S. Thomas 1. p. q. 23. a. 2. 4. 5. & 8.

AB soluetur hac quæstio tribus dubitationibus. I. *An dona omnia & bona supernaturalia Prædestinati sint effectus Prædestinationis.* II. *An bona etiam quedam naturalia Prædestinati, qualia sunt eius existentia, vita, valetudo, vires, &c. sint effectus Prædestinationis eiusdem.* III. *An mala etiam quelibet eiusdem, tum pæna, tum culpa; aut saltem permisio culpa, sint effectus Prædestinationis.*

D V B I V M I.

An dona & bona omnia supernaturalia Prædestinati, sint effectus Prædestinationis.

S. Thom. 1. p. q. 23. a. 1. & 2.

Explícata natura Prædestinationis, merito de eius effectibus prius agimus, quam de causis: tum quia tractatio de effectibus facilior est; tum quia cognitio causarum multum pendet ex notitia effectuum, eamque supponit. Et quod in rebus naturalibus accidit, vt ex cognitione effectuum rimemur causas earundem; id etiam in hac materia vñsuuenit. Et tametsi S. Thomas nullam inquisitionem peculiarem de effectibus instituerit, sed sparsim solum & incidenter quādam de ijs attingat locis cit. quasi nimurum iij per se satis noti essent, ex natura prædestinationis; nihil minus tamē ob controversias quasdam iuter recentiores Theologos hac de re ortas, necessarium est, eam ex instituto persequi & explicare. Sermo est autem de effectibus Prædestinationis in genere cause efficientis; non materialis, aut formalis, seu finalis; nisi quatenus internus actus diuinæ prædestinationis est ipse Deus, qui simus est & causa efficientis, & finalis omnium effectuum suorum.

Vocatur autem effectus prædestinationis, etiam terminus eiusdem, & obiectum Quod, vt distinguatur ab obiecto, vel subiecto Cui, quæ est persona ipsa, quæ prædestinatur; iuxta ea, quæ diximus quest. 1. dub. 1. & quest. 2. dub. 1. Vbi

tamen hoc discriminis est inter prædestinationem & prouidentiam; quod ipsa etiam existentia subiecti prædestinari potest esse obiectum Quod prædestinationis, & effectus; non autem prouidentia, vñdicetur dubio sequenti. Possunt autem omnes effectus Prædestinationis in tres ordinēs distribui, rerum supernaturalium videlicet, bonorum naturalium, & malorum; de quibus ordine singulis dubijs agere propofuimus.

Supponimus autem generatim primo, Prædestinationem plane habere aliquos effectus; seu quod idem est, esse causam efficientem quorundam effectuum, qui ex ea consequuntur: siue eos causet per physicam efficientiam, immediate a gendo ad extra; siue potius quasi per moralem & artificiosam, per modum scilicet dirigentis, aut impellentis potentiam executivam, immediate ad extra operantem; pro communi scilicet ratione causandi diuini intellectus & voluntatis, de qua egimus disputatione præcedenti, questione vñdecima. Tradunt hoc fundamentum omnes Theologi in prim. d. quadragefima & quâdragefima prima, & S. Thomas hic artic. 2. & est expressa doctrina S. Augustini, de Prædestin. sanct. cap. decimo, & de bono perseverantia cap. 14. & sumitur ex Apostolo ad Romanos 8. verbu 28. scimus autem, quoniam diligentibus D E V U M o m n i a

coope-

cooperatur in bonum, q̄s, qui secundum propositionem operari sunt sancti. Nam quos preservat, & prædestinavit conformes fieri imaginis filij sui, et scilicet primogenitus in multis fratribus. Quos autem prædestinavit, hos vocavit, et quos vocavit, hos insificavit, quos autem insificavit, illos glorificavit. Vbi effectus prædestinationis in ordine rerum supernaturalium ordine & distincte referuntur. Et ratio est. Quia Prædestinationis consistit in scientia approbationis seu actibus intellectus, & voluntatis divinae, efficaciter aliquid fieri aut esse deponentibus, qui sunt causa rerum, ut dictum quæstione præced. dub. 2. & generatim supra disp. 2. quæst. 8. & 10.

4 Supponendum secundo, ad effectum Prædestinationis, generatim loquendo, plus non requiri, quam haec quatuor. Primo ut sit effectus Dei; cum enim Prædestinationis sit actus Dei, nihil potest esse effectus Prædestinationis, nisi etiam sit effectus Dei. Id quod aperte etiam docent SS. Patres. Augustinus de prædestin. Sanct. capite 10. Prædestinatione, inquit, Deus ea preservit, qua fuerat ipse factura. Et Fulgentius libro secundo ad Monimum initio: *Prædestinationis nihil aliud est, nisi preparatio operum eius.*

Secundo, ut aliquo modo pertineat ad Prudentiam Dei supernaturalem; bonum scilicet aliquid supernaturale Prædestinato cupientis aut procurantis, sive intendentis. Siquidem ipsa etiam Prædestinatione cum ad supernaturalem beatitudinem homini efficaciter procurandam tendat, ad supernaturalem utique Prudentiam Dei pertinet. Quam ideo etiam Augustinus libro de Prædest. Sanct. capite decimo, vocavit *gratia preparationem*; sive interim haec gratia sit ex meritis Christi, sive non, de quo inferius quæstione sequenti agendum. Quanquam de facto ex veteri sententia, quam hic supponimus, omnis gratia est ex meritis Christi, si non ut Redemptoris, saltem ut Salvatoris in genere, ut dicetur quæstionis sequent. dub. 2. & 7. & docetur suo loco de Incarnat. & sapientiam significat Augustinus libro de prædestin. sanct. & de bono perseuerant. & epistola 95. vbi ait: *Hanc Apostolicam doctrinam gratiam hoc nomine appellat, qua salvamur & iustificamur, ex fide Christi.* Similia habentur in Concilio Mileuitano & Africano.

5 Tertio, ut ex particuli & efficaci intentione, perducendi hunc vel illum hominem ad gloriam, proficiatur. Ex quo sequitur CHRISTI Incarnationem, Passionem, Sacramentorum institutionem, si haec secundum se, & in genere spectentur, non esse effectus Prædestinationis, saltem particularis, huius, vel illius; sed potius generalis prouidentia supernaturalis; prouenientes ex antecedenti voluntate salvandi omnes, ut ex probabiliori recte Suarez libro tertio de Prædestin. capite secundo numero octavo, & Valsquez disputatione 94 numero 37. licet alterius loquantur, Durandus in 3. dist. 1. quæstion. 3. Molina quæst. 23. artic. 5. d. 2. & Gregorius de Valentia hic quæst. 23. p. 4. §. 1. Secus est, si loquamus de quibusdam peculiaribus Christi opera-

ribus, ex speciali Christi intentione efficaciter, huic vel illi applicatis: quia hac applicatio supponebat electionem diuinam eiusdem prædestinationis, ut recte Suarez libro secundo capite 24. numerotrigesimo secundo, & inferius magis patet quæstione sequenti dubio secundo. Secus est etiam de applicatione efficacii generalium illorum remediiorum, ut dicatur.

Quarto, ut vel ipsa actualis consecutio vita eterna, vel cum effectu, aliquo modo conferat ad salutem eternam consequendam: si enim nihil conferat, Prædestinationis effectus non erit, quæ eo tota & unice tendit, ut homo denique prædestinatus salutem re ipsa consequatur, ut constat ex eius definitione: & quicquid extra hunc effectum, qui est actualis consecutio eius finis, operatur, id totum operatur in ordine, ad eundem finem efficaciter prædestinato procurandum.

His positis, quod ad presentem dubitationem attinet, in qua de rebus duntaxat supernaturalibus agitur, in quibus præcipue sunt, vocatio congrua, fides, iustificatio, perseverantia & glorificatio, quinque sunt Doctorum sententias; omnifolio illo, iam dudum damnato, & alibi refutando, veterum Pelagianorum errore, qui vt peccatum originale, & gratiam Vocationis ac iustificationis penitus negarunt, ita nullam agnoverunt prædestinationem ad eiusmodi griam, sed solum ad gloriam; ut videtur est apud Augustinum lib. 14 de prædest. Sanct. c. 18. & lib. de gestis Pelagi cap. 35. & in Concilio Carthaginensi epist. Synodali ad Innocentium I. Prima sententia est Durandi in 1. d. 41. quæst. 1. num. 10. qui significat, sola media ad finem supernaturalem, non autem ipsam affectionem Beatitudinis, per se ac propriè esse effectum Prædestinationis: cum prædestinationis sit pars prouidentiae, versatilis tantum circa media. Idem tamen quidam recentiores, & fauet non nihil S. Thomas, hic quæst. 23. art. 4. cum ait, *Prædestinationem supponere dilectionem & electionem ad gloriam.*

Secunda sententia est Ockami in 1. d. 41. & Gabrieli dist. 40. art. 1. & dist. 41. art. 1. qui docent, Prædestinationis effectum propriè esse solam affectionem beatitudinis, non vero media; sive quod haec communia sicut etiam non prædestinatis, sive potius quod Prædestinationis sit solus gloria; media autem ad Electionem pertineant. Quo modo Gabriel cit. art. 1. ex Cameracensi Prædestinationem definit, *Propositum diuinum datus utram eternam.*

Tertia sententia est, Vocationem non esse effectum Prædestinationis; sed Prædestinationem incipere à Iustificatione permanente usque ad mortem. Quam sententiam Valsquez disput. 93. num. 2. tribuit S. Bonaventura in 1. d. 41 art. 1. quæst. 1. Sed bene Suarez hic lib. 3. cap. 5. num. 3. negat, se hanc sententiam inuenisse apud Bonaventuram, vel alium auctorem, saltem expresse. Fauet tamen non nihil Bonaventura, quatenus *gratificationem*, quam Prædestinationis effectum in hac vita constituit, asserit aliquo modo cadere sub merito prædestinati.

Quarta.

⁸ Quarta sententia est aliorum, qui distinguunt duplēm Prædestinationem, vnam ad gratiam, alteram ad gloriam; & huius proinde effectum, volunt esse gloriam, illius gratiam. Ita Turrianus opusc. de elect. seu prædest.

Ab his omnibus differt quinta, & vera sententia, sequentibus assertionibus explicanda.

Assertio I. Prædestinationis effectus non est sola gratia, sed etiam gloria. Est contra primam sententiam, quæ non solum aduersatur ceteris omnibus Scholasticis antiquis in 1. d. 40. & 41. & expressæ etiam S. Thomæ hic quest. 23. art. 5. vbi gloriam inter effectus prædestinationis refert; sed etiam à recentioribus communiter rejecitur, vt videtur est apud Gregorium de Valentia hic q. 23. punct. 3. Molinam hic quest. 23. art. 2. disp. 3. & art. 5. disput. 1. memb. 6. Suarez hiclib. 1. de prædest. cap. 5. & lib. 3. à cap. 3. Bellarminum libro 2. de grat. cap. 15. Bannem hic quest. 23. à 2. Zumel ibid. disp. vn. Vasquez disp. 91. cap. 4. & disp. 93. cap. 1. qui licet recte notet, cam non tam rei; quam vocis questionem esse; & vero etiam alias Prædestinationem existimari, immedietate solum ad gratiam terminari; nihilominus tamen recte concedit, consecutionem quoque gloriae eius quendam effectum esse; non quod ut ipse putat, ad eam immedietate terminerur, sed quia ex immedieto eius termino seu effectu, quies gratia, sequitur: & addit, sententiam Durandi communimodo loquendi Scholasticorum & Patrum aduersari; omnesque ceteros Scholasticos vocare effectum Prædestinationis, ipsam gloriae consecutionem.

Probatur assertio ex Scriptura. Nam de Prædestinatione ad gloriam, veluti effectum, loquitur Apostolus Rom. 9. v. 23. *Vt ostenderet diuitias gloria sua in vas misericordia, qua preparauit (seu prædestinavit) in gloriam.* Et rursum Roman. 8. v. 30. inter alios effectus Prædestinationis refert etiam gloriam: *Quos autem prædestinavit, hos & vocauit; & quos vocauit, hos & iustificauit; & quos iustificauit, illos & glorificauit.* Conscientiunt S. Augustinus relatus quest. præced. dub. 1. B. Fulgentius lib. 1. ad Monimum cap. 11. Ecclesia Lugdunensis lib. aduersus Ioannem Erigenam Scotum sæpe, & passim alij SS. Patres. Ratio est. Tum quia ipsa etiam consecutio finis est effectus Prouidentiæ, sicuti hæc ex medijs prouisus re ipsa prouenit, ut quest. 1. dub. 3. huius disputationis dictum. Tum quia negari non potest, ex preparatione seu prædestinatione gratia consequi adoptionem gloriae: quod autem est causa causæ, est etiam causa causati, vt etiam hic quest. 1. dub. 1. argumentati fumus. Deniq; ipsa etiam beatitudine habet rationem medijs respectu ulterioris finis, qui est gloria Dei. Neque his aduersatur S. Thomas, cum ait, Prædestinationem supponere electionem & dilectionem; non enim ideo negat Prædestinationem etiam tendere ad gloriam; neque prædestinationem ab electione distinguit ex parte obiecti, sed actus, vt declarauimus questione præcedente dub. 3.

Assertio II. Prædestinationis effectus non est sola gloria, sed etiam gratia; adeoque non solus

finis, sed etiam media. Hæc assertio, si de re ipsa loquamur, esse nimur supernaturali Dei ordinatione & prouidentia gratiam homini in hac vita destinatam, tanquam necessarium medium ad salutem æternam consequendam, est de fide ex multis Scripturæ testimonijs, & Concilijs, præsertim ex Concilio Carthaginensi, Mileuitano, & Araucano II. contra supradictam Pelagij heresim, quam ex instituto multis libris egregie confutauit & conuicit S. Augustinus, speciatim de natura & gratia libro uno; de gratia Christi, & peccato originali, contra Pelagium & Cœlestium, libris duobus; de nuptijs & concupiscentia libris duobus; contra duas epistolulas Pelagianoram ad Bonifacium libris quatuor; contra Julianum Pelagianum libris sex; de Prædestinatione & gratia libro uno, &c. Sed quia res hæc ad 1. 2. & materiam de gratia pertinet, non est hoc loco, ne materias ipsas confundamus, & ordinem tractandi peruerteramus, fusius persequenda.

¹¹ Si vero, quod ad præsens institutum propriè pertinet, supposita existentia ac necessitate gratiæ, de modo potius loquendi, quam de re ipsa sermo sit, an gratia sit etiam dicendus effectus prædestinationis, an potius alterius cuiusdam decreti seu ordinatio diuinæ, puta prouidentie, electionis, &c. assertio quidem supra dicta ad fidem non pertinet; sed est tamen nihilominus à Theologis tum antiquis, tum recentioribus communiter recepta; speciatim à S. Thoma hic quest. 23. art. 2. ad 4. & ab alijs, quos pro prædenti assertione commemoarui; adeo ut opposita sententia quad modum loquendi falsa, & Scripturæ, ac SS. Patribus, speciatim Augustino, contraria merito pronuntiatur; qui libri paulo antea citatis in eo totus est, ut Prædestinationem ad gratiam aduersus Pelagium asserat & defendat; ac propterea frequenter & expressè etiam in descriptione & appellazione Prædestinationis gratiæ meminit; quando & ipsam prædestinationem definit, *gratia preparationem* libro 1. de prædest. sanct. cap. 10. vel generatim *præsentiā beneficiorū Dei*, quibus certissime liberantur, quicunque liberantur, libro 2. de bono perseuer. cap. 14. ut dictum supra questione præcedente dub. 3. sub fin. & quest. 2. dub. 1. vbi plura Sancti Augustini testimonia reculumus. Cui etiam consentiunt Prosper epistola ad August. & Fulgentius lib. 1. ad Monimum.

¹² Idem patet ex Scriptura, Ephes. 1. versu 5. *Qui prædestinavit nos in adoptionem filiorum per Iesum Christum.* Et versu quarto. *Elegit nos in ipso ante mundi constitutionem, ut essemus sancti & immaculati, &c.* Rom. 8. versu 29. *Quos preservauit & prædestinavit, conformes fieri imaginis filij sui:* consistit autem hæc conformitas, tum in adoptione per gratiam; tum in acquisitione eiusdem hæreditatis ac felicitatis per gloriam. Et mox ibidem inter effectus prædestinationis numeratur etiam gratia. *Quos autem prædestinavit, hos & vocauit; & quos vocauit, hos & iustificauit, &c.* Ratio est; tum quia Prædestination est pars quædam Prouidentiæ; cuius vel maximè est, prouidere de medijs ad finem, eaque procurare. Tum quia cum Præ-

destinatio sit decretum Dei efficax perducendi hominem ad gloriam, necessario etiam secum trahit executionem mediorum ad eandem; quæ proinde necessario effectus quidae prædestinationis sunt & dici debent, sicut efficax intentio aut destinatio finis semper necessario secum trahit executionem mediorum; nisi hæc ab intrinseco impediatur; quod in præsenti de Deo dici non potest. Accedit, quod Prædestination ex vñ loquendi, & spectando etiam proprium ipsius terminum, non est solius gloriæ, sed vel maximè etiam gratiæ, vt dictum supra questione z. dub. i. Ex quibus etiam patet responsio ad fundatum opposita sententia.

13

Affirmatio III. Prædestinationis effectus non est sola gratia Iustificationis, sed etiam gratia præueniens & excitans; & vniuersim omnia auxilia gratiæ particularia, quibus vñusquisque prædestinatus beatitudinem consequitur: sive ea fint, homini prædestinato intrinseca, adeoque vera qualitates ipsi inherentes; sive extrinseca; & rursum sive sint intrinsecè supernaturalia, sive extrinsecè tantum, ex fine, ad quem ex diuina voluntate efficaciter referuntur; vt sunt actiones moraliter bonæ, & opportunitates interdum extrinseca, ac temporales ad bene operandum, diuina benignitate efficaciter ordinatae ad salutem hominis prædestinati. Ita contra tertiam sententiam superioris relatam communiter Doctores in. 1. dist. 40. & 41. & consentit S. Thomas hic q. 23. art. 5. & ex recentioribus Gregorius de Valencia, Molina, Bellarminus, Suarez, Bannes, Zumel, locis citatis assert. i. & fere Vasquez disp. 94. cap. 5. vbi docet, non solum vocationem & iustificationem cadere sub prædestinationem nostram, sed etiam signa externa, item prædications, & remotiones impedimentorum, quibus nostra vocatione præparata fuit; at vero orationes & merita iustorum, quibus impetrant gratiam alij, negat pertinere ad effectus prædestinationis eius, cui gratiam impetrant: quod nec satis consequente dici videtur, & S. Thomas hic q. 23. a. 8. repugnat, & alij argumentis refellitur, vt dicemus.

14

Probatur assertio ex Scriptura, Rom. 8. v. 30. *Quos autem prædestinavit, hos & vocavit: & quos vocavit, hos & iustificavit.* Vbi expressè inter effectus prædestinationis recensetur non solum Iustificationis, seu gratia iustificans, sed etiam vocationis, seu gratia vocans & excitans. Idem colligitur ex illo Sap. 4. v. 11. *Raptus est, ne malitia mutaret intellectum eius.* Et Matth. 24. v. 22. *Propter electos breuiabuntur dies illi.* Idem patet ex doctrina & definitionibus à S. Augustino de prædestinatione traditis, in quibus vniuersim de diuina gratia, & beneficijs diuinis loquitur. Optimè etiam Fulgentius libro primo ad Monimum cap. 8. & 10. *Omnia, inquit, & vocationis nostra initia, & iustificationis augmenta, & glorificationis præmia, in prædestinatione semper Deus habuit.*

15

Ratio sumitur ex notatione sive suppositione secunda, initio præmissa, quia cum prædestinatione sit decretum seu ordinatio, quæ per certa & à Deo destinata media homo perducitur ad beatitudinem, negari sanè non potest, omnia eiusmodi

media, quibus hic finis obtinetur, ad Prædestinationis effectus pertinere; saltem quæ, vt dictum, vñ modo inter gratiæ diuinæ dona recenseri possunt; qualia vtrique sunt omnia auxilia gratiæ excitantis & præuenientes; etiam si quædam extrinseca sint homini, vt bonorum sociorum consuetudo, prædicatio opportuna Verbi Dei, libri spiritualis opportuna prouisio, aut lectio, opportuna & salutaris administratio sive applicatio Sacramentorum; preces item piorum pro aliquo ad Deum effusæ, ostentia alicuius diuini, seu terrifici eventus salutaris & ad pietatem promouens conspicet, &c. vt suo loco de gratia fusius explicandum est.

Ex quibus etiam actus eiusmodi alieni & prædestinato extrinseci, sive vtrique, & huic prædestinato, & ipsi etiam operanti efficacia media salutis, adeoque effectus prædestinationis vtriusque personæ est possunt, vt bene Suarez hic libro 3. de prædest. cap. 5. num. 17. & aperte Richardus in 1. d. 41. art. 2. quæst. 1. vbi ait: *sub effectu prædestinationis comprehenditur omnis actus promouens prædestinatum ad salutem, sive sit actus proprius, sive alterius.* Unde oratio unius, qui innat aliis ad consequendam salutem, comprehenditur sub effectu prædestinationis illius. Idem habet Heraeus in 1. d. 41. quæst. 1. art. 1. in fine. Idem docet S. Thomas hic q. 23. art. 8. vbi inter effectus prædestinationis numerat *Orationes* non solum proprias, sed etiam *aliorum.* Et ibidem ait, *prædestinationem innati (nempe quoad effectum) precibus sanctorum.* Quod autem obicit Vasquez loco citato hac ratione dicendum fore, etiam ipius Christi merita esse effectum nostræ prædestinationis; iam superius dub. prim. sati dilutum est: quia merita Christi non proueniunt ex intentione particulari salutis huius vel illius, sed vniuersim salutis omnium: quare licet suo modo effectus dici possent in communi prædestinationis omnium, non tamè particularis prædestinationis huius aut illius de qua loquimur.

Neque vero recipienda est distinctio Gaudensii Quodlib. 4. quæst. 19. & Quodlib. 8. quæst. 5. asserentis, actus quidem supernaturales, quoad influxum gratiæ, & ipsius Dei, esse effectum Prædestinationis; quoad cooperationem veroli beri arbitrij non esse. Quia vt recte S. Thomas hic quæst. 23. art. 5. Suarez libro tertio cap. 5. numero quarto, & alij, ipsa etiam cooperatio nostra est à Deo per gratiam præuenientem, vt suo loco patebit.

In particulari autem querere, an omnis gratia efficax, item an omnia opera etiam mortificata, omnisque gratia sanctificans, etiam semel amissa, sint effectus prædestinationis, id ex eo fere penget, An & quomodo opera bona mortificata reliuiscant, de qua non est hoc loco, sed in materia de penitentia disputandi locus. Satis est in proposito, hæc duo seire. Primum est, dari in prædestinationis omnibus adultis peculiarem quandam gratiam Vocationis efficacem, prædestinationis propriam, quæ respectum habet ad finalem perseverantiam ipsius prædestinati: de qua Augustinus libro de prædest. sancti. capite decimo sexto. *Non illa vocati sunt, de qua dictum est;*

Multi

Muli vocati: sed quæ vocantur electi. Quam etiam ibidem ait ab Apostolo Rom. 8. vocari, vocationem secundum Dei propositum, deque ea multis disputat libro primo ad Simplic. quæst. 5. dub. 1. Alterum est, omnia auxilia gratiæ, omniaque opera bona hominis prædestinati, que ipsi efficaciter conducunt & conferunt ad salutem aeternam re ipsa consequendam, effectus prædestinationis esse; vt in conclusione diximus: si quæ vero ad eum finem nullo modo conducunt, non esse effectus prædestinationis, sed communis prouidentiæ. Interim quoad operam mortificata attinet, suppositis ijs, quæ in materia de pœnitentia docui, & defendi disputat de eadem thesi 76. dicendum plane est, ea esse effectus prædestinationis: quia, vt ibidem dixi, omnia opera mortificata per pœnitentiam reuiniscunt, adeoque efficaciter conducunt ad beatitudinem prædestinati; quanquam etiam absque eo, alia ratione, conducere possunt, scilicet per modum bona dispositionis, habilitantis ad bene operandum alia per modum exempli, aut occasiois adducentis alios, aut ipsum prædestinatum, ad alia opera salutaria peragenda, &c. vt rectè Suarez loco citato.

¹⁸ Assertio IV. Distinctio duplicitis Prædestinationis, quarum una sit ad gratiam, altera ad gloriam, neque necessaria est, neque admodum consona Augustino & SS. Patribus; certè Scholasticis antiquis incognita. Ita Suarez hic libro de prædest. cap. 5. numero 14. et si Vasquez disp. 91. num. 16. probabilem, & nonnullum etiam fundatum in Augustino habere censem. Probatur & declaratur. Primo enim absque ea distinctione sufficienter intelligi & explicari possunt omnia, qua de Prædestinatione aut Scriptura sacra, aut Concilia, Sanctique Patres docuerunt. Plus enim hi non docent, quam Deum prædestinare homines tum ad gratiam, tum ad gloriam, & vero ex parte causæ & modi prædestinandi, aliam esse rationem prædestinationis ad gloriam, quam ad gratiam, vt sequenti quæstione patet: subinde etiam prædestinationis ad gloriam expresse meminerunt, non ad gratiam; vel etiæ contra: sed hinc plus nō efficitur, quam prædestinationem habere plures terminos in adæquatos & subordinatos; neque omnium terminorum eandem esse rationem; neque etiam Santos Patres adæquatè semper Prædestinationem accepisse, in ordine ad omnes suos terminos, seu effectus: at verò duplē ideo Prædestinationem modo explicato constituantur esse, non magis conuincitur, quam si quis profectionem, seu viam duplē distinguat à duobus terminis, quorum unus sit ultimatus & mediatus, alter proximus & immediatus. Quare etiam neque apud SS. Patres, neque apud veteres Scholasticos duplicitis eiusmodi Prædestinationis distinctio, neque duæ prædestinationes à predictis terminis desumptæ, vspiam leguntur. Sola, quod sciám, Ecclesia Lugdunensis in libro aduersus Ioanitem Erigenam Scotum tomo secundo auct. Patrum, duas Prædestinationes, seu duplē prædestinationem admittit; at non eo sensu, quem hic

impugnamus, sed longe diuerso, desumprum nimirum à terminis plane contrarijs, & inter se minime subordinatis, salutis aeternæ, & damnationis seu supplicij aeterni, vt dictum supra quæst. 2. dub. 1.

¹⁹ Et ratio assertionis est. Quia, vt superius dictum, tendentia, seu transmissio ad aliquem terminum, non multiplicatur penes terminos subordinatos, sed disparatos tantum, vel oppositos; quia si subordinati sint, sám unus est propter alium, adeoque in ordine ad tendentiam aut viam, unum adæquatum cum altero terminum constituit; ex quo proinde vna, non duplex tendentia aut transmissio constituitur. At verò gratia, & gloria, respectu prædestinationis eiusdem hominis, vt in proposito loquimur, & intelligent etiam aduersarij auctores, cum sit quasi transmissio quædam ad finem supernaturalē, ex dictis q. 2. d. 2. sunt duo termini inter se necessario subordinati, quorum unus habet se per modum viæ, seu medij respectu alterius: Ergo penes eiusmodi terminos non est distinguenda duplex Prædestinationis, sed vna adæquata, quæ pro adæquato termino habeat & gratiam, & gloriam. Et confirmatur. Quia sola destinatio ad gratiam, si sit absque destinatione ad gloriam, non est prædestinatione simpliciter dicta: alioqui reprobi dici possent prædestinati: Ergo frustra & alienè à consueto modo loquendi Doctorum constituitur prædestinationis ad gratiam, distincta à prædestinatione ad gloriam. Consequentia probatur. Quia quando aliqua res duplex, velut à duabus speciebus unum genus diuidentibus dicitur, tum utriusque per se ac seorsim, atque etiam quando est diversa & sciuncta ab altera, debet conuenire nomen generis: quod in proposito minimè accidit, vt dictum.

D V B I V M II.

An bona etiam naturalia Prædestinationi, qualia sunt, eius existentia, vita, valetudo, vires, complexio, &c. sint effectus Prædestinationis eiusdem.

S. Thomas 1. p. q. 23. a. 2. 4. 5. & 9.

Bona eiusmodi naturalia omnia ad duas classes reuocari possunt; vt prima sit eorum bonorum, que adueniunt primum Prædestinato, iam secundum Esse naturale productio; altera sit existentia naturalis eiusdem; cum adiunctis & congenitis potentijs & proprietatibus, seu propensionibus naturalibus, ipsaq; adeo etiam complexione eiusdem, &c. Quo spectant etiam illa, quæ ipsam productionem eius extrinsecè circumstant, vt sunt tempus, locus nativitatis, adeoque parentes & patria; & præcipue qua boni, fideles, &c.

Assertio I. Omnia bona naturalia prædesti-